

1586. Clauſula de-rogatoria.

§.12. Non obſtantibus Conſtitutionibus, & Ordinationibus Apoſtolicis, dictæ Urbis ſtatutis, reformationibus, & conſuetudinibus, etiam juramento, confirmatione Apoſtolica, vel quavis firmitate alia roboratis, privilegijs quoque, indultis, & literis Apoſtolicis, Populo Romano, vel Curialibus, aut alijs perſonis, etiam Motu proprio, & conſiſtorialiter, ſeu alias quomodolibet conceſſis, approbatis, & innovatis, & quibuslibet alijs indulgentijs, generalibus, vel ſpecialibus, quorumcumque tenorum exiſtant, per quæ præſentibus non expreſſa, vel totaliter non inſerta, effectus earum impediſſe valeat quomodolibet, vel differri, & de quibus, quorumque totis tenoribus, habenda eſſet in eiſdem noſtris literis mentio ſpecialis. Quæ omnia nemini volumus adverſus præmiſſa, in aliquo ſuffragari, atque illis ad effectum earumdem præſentium dumtaxat ſpecialiter, & expreſſe derogamus, ceteriſque contrarijs quibuscumque. Volumus autem, ut ipſarum præſentium tranſumptis, etiam impreſſis, manu Notarii publici ſubſcriptis, & ſigillo alicujus perſonæ in dignitate Eccleſiaſtica conſtituta munitis, eadem proſus fides in iudicio, & extra illud habeatur, quæ eiſdem originalibus haberetur, ſi forent exhibitæ, vel oſtenſæ.

Forma & effectus publicandi huius Conſtitutionis

§.13. Quodque eadem præſentes ad valvas Lateranenſis & Principis Apoſtolorum de Urbe Baſilicarum, ac in acie Campi Floræ, de more publicentur, affixis, & dimiſſis inibi earum exemplis, quodque poſt decem dies, ab huiusmodi publicatione numerandos, ſtatim incipiant, unumquemque arctare, perinde, ac ſi perſonaliter omnibus intimata forent, cum non ſit veriſimile a quoquam id ignorari, quod tam patenter cunctis fuerit intimatum.

Sanctio poſt-nalis.

§.14. Nulli ergo omnino hominum liceat hanc paginam noſtrorum ſtatutorum, ordinationis, onerationis, decretorum, mandati, derogationis, & voluntatum infringere, vel ei auſu temerario contraire. Si quis autem hoc attentare præſumpſerit, indignationem Omnipotentis Dei, ac Beatorum Petri, & Pauli Apoſtolorum eius, ſe noverit incurſurum.

D. P. An. II. 30. Octobris.

Datum Romæ apud Sanctum Petrum, Anno Incarnationis Dominicæ, milleſimo quingentefimo octuageſimo ſexto, tertio Kal. Novembris, Pontificatus noſtri Anno Secundo.

Publicatio.

Anno a Nativitate Domini 1586. in die 14. die vero 3. menſis Novembris, Pontificatus Sanctiſſimi in Chriſto Patris, & D. N. D. Sixti divina Providentia Papa V. Anno II. retroſcripta litera Apoſtolica lecta, affixa, & publicata fuerunt, & per aliquod temporis ſpatium dimiſſe in valvis, ſeu portis Baſilicarum Sancti Joannis Lateranenſis, & Sancti Petri Principis Apoſtolorum de Urbe, ac Cancellariæ Apoſtolicæ, per nos Joannem Buriurault, & Octavianum Tagliettum Sanctiſſimi D. N. Papæ Curſores, necnon in acie Campi Floræ, per eorundem Curſores. Alex. Parabiacus Mag. Curſ.

Juriſdictio Judicis Cauſarum, Beneficialis confidentiæ, & ſimoniacæ, & cum eis connexitatem habentium, in Romana Curia movendarum, aut per appellationem a Judicibus extra Curia introducendarum.

De ejuſmodi materijs attende Conſtitut. IX. Cum deſteſtabile, Pauli II. de Simon. Tom. III. Par. III. fol. 10. & Conſtit. XCIX. Pii IV. Romanum To. IV. Par. II. fol. 190. atque Pii V. Conſtit. CXVII. Intolerabilis Tom. IV. Par. III. fol. 67. cum ibi notatis, ubi Conſtitutiones dictorum Pii IV., & Pii V. extenduntur ad Regnum Gallia.

SIXTUS EPISCOPUS SERVUS SERVORUM DEI

Ad perpetuam rei memoriam.

Divina Dei providentia, quæ cunctorum fidelium cœtum per diverſa tribunalia ſtatuit in reſtitutione gubernandum, in ſuperno juſtitia throno, meritis licet imparibus conſtituti, nunc in muneribus, & officiis ad ipſius juſtitia cultum inſtituentis, nunc pro perſonis idoneis ad illa aſſumendis, & condignis titulis decorandis, aciem noſtra mentis ſedulo convertimus, & quæ ad officiorum, & perſonarum huiusmodi ſtabiliendam juriſdictionem, ſalubremque directionem pertinere noſcuntur, ne propter varios diverſorum Judicum, & Tribunalium concurſus, & varias procedendi formas deſuper dubitari contingat, ex Paſtoralis noſtri officii debito conſtituimus, ac in his ejuſdem officii noſtri partes favorabiliter impartimur, prout rerum & cauſarum circumſtantijs debite penſatis, conſpicimus in Domino ſalubriter expedire.

Procurium.

§.1. Cum itaque alias ſel. rec. Pii Papæ V. Prædeceſſor noſter, omnium cauſarum confidentialium pro tempore movendarum cognitionem, & deciſionem, ac literarum Apoſtolicarum a piæ mem. Pio Papæ IV., etiam Prædeceſſore noſtro ſuper huiusmodi confidentiis emanatarum, executionem ſibi, & Succeſſoribus ſuis reſervaverit, & poſtmodum ob varias, & continuas pro tempore exiſten. Rom. Pont. in graviffimis, & arduiffimis totius Reipublicæ Chriſtianæ negocijs occupationes, cauſa ipſe in Romana Curia pro tempore motæ, & introductæ per particularem Judicem, ex delegatione Apoſtolica, audiri, decidi, & cognofci conſueverint, ipſe autem Judex nedom ſolo Romani Pontificis nutu amovibilis, ſed etiam ſibi contra ordinarios colatores Epifcopos, & alios ſuperiores Prælatos hac confidentiali labe plerumque infectos, procedendi facultas præcluſa exiſtat, qui etiam in huiusmodi cauſarum proſecutione, ut plurimum delegantur, diverſæ ſimoniacæ pravitates, & aliæ illicitæ paſſiones, quæ licet ex iſtis confidentiis reſultent, ſeu illis mixtæ, & conjunctæ ſint, tamen a nonnullis præſentibus eas ſub facultatibus præfato Judici conceſſis, minime com-

Pii IV. Pii V. Conſtitutiones iſtæ, ſunt indicatæ hic in rubr.

Executio officii Auditoratus cauſarum confidentialium.

comprehendi, nec in illis ab ipſo ſine ſpeciali Sedis Apoſtolicæ reſcripto poſſe procedi. Unde ſit ut modo ipſius Judicis mutatione, quæ interdum contingit, nunc facultatum ſuarum anguſtia, ac etiam delinquentium cavillationibus, & ſubterfugijs, ejuſdem Judicis auctoritas ſæpius illudatur, ac ea, quæ ad purgandam hac contagione Dei Eccleſiam a diſtis Prædeceſſoribus ſapientiffime ſunt ſancita, ut plurimum debito effectu careant in animarum perniciem, & ſcandalum plurimorum.

§.2. Nos huiusmodi incommodis, pro noſtri Paſtoralis officii debito obviare cupientes, operæ pretium fore duximus, præfati Judicis perſonam, ſpeciali titulo, & denominatione decorare, illiusque juriſdictionem ampliare, ut in tribunali ſuo, tum judicia, tum cetera ad id munus pertinentia perpetuo ſtabiliantur, ac ad certum debitumque finem ordinentur, necnon literarum, & Conſtitutionum Pii IV., & Pii V. Prædeceſſorum huiusmodi, ac præfatorum aliorumque privilegiorum, indultorum, gratiarum, & facultatum, pro tempore exiſtenti Judici cauſarum confidentialium huiusmodi conceſſarum, ac ſententiarum deſuper forſan latarum, & inde ſecutorum quorumcumque tenores, necnon litium, & cauſarum huiusmodi ſtatus, & merita, nomina, & cognomina colligantur, præſentibus pro expreſſis habentes, Motu proprio non ad alicujus Nobis ſuper hoc oblatæ petitionis inſtantiam, ſed ex mera deliberatione, & certa ſcientia noſtra, ac de Apoſtolicæ poteſtatis plenitudine, unum officium Auditoratus generalis quarumcumque confidentialium, etiam ſimoniacam pravitatem, & quamcumque aliam illicitam paſſionem inducentium, ſeu connexitatem aliquam cum confidentia habentium, rerumque omnium inde reſultantium, pro uno generali illarum Auditore, qui omnium, & ſingularum cauſarum huiusmodi ordinarius Judex exiſtat, & officium ipſum ad ejus vitam obtinere, illudque in noſtri, & pro tempore exiſtenti Romani Pontificis manibus quodcumque reſignare licite poſſit, ad inſtar aliorum Romanæ Curia, & dictæ Sedis officiorum vacabilium, & reſignabilium, Apoſtolica auctoritate tenore præſentium, perpetuo erigimus, & inſtituimus.

Emolumentorum & reddituum aſſignatio.

§.3. Ibiſque ſic erecto, & inſtituto pro illius dote, decimam partem omnium, & ſingularum fructuum, reddituum, proventuum, jurium, obventionum, ac etiam distributionum quotidianarum, etiam ſolis præſentibus, & divinis officiis intereſſentibus dari, & percipi ſolitarum, & aliorum quorumcumque emolumentorum, ac etiam penſionum annuarum, cum interventu confidentiæ, vel alias ſimoniacæ, aut alia illicita paſſione interveniente, ſeu quæ commiſſis confidentiis aliquam dependentiam, vel connexitatem habeat, indebite perceptorum, ad quorum reſtitutionem, quocumque per ipſius Auditoris ſententiam condemnari, etiamſi poſtmodum per

alios Judices cauſam fortatte revideri, & dictam ſententiam confirmari, ſeu reformari, ac etiam ſuper quibus, poſt litem deſuper in officio huiusmodi intentatam, quomodolibet componi, vel alias concordari contigerit. Necnon omnia, & ſingula alia jura, ſalaria, regalia, & emolumenta quæcumque, ordinaria, & extraordinaria, undecumque, & quomodocumque provenientia, etiam ſportulas, vel alio quocumque nomine nuncupata, quæ Judices cauſarum confidentialium huiusmodi in dicta Curia pro tempore deputati, quomodolibet, & quocumque titulo, vel cauſa habere, conſequi, lucrari, & percipere conſueverunt, ſeu etiam poterint, ac debuerint, cujuſcumque qualitatis, quantitatis, & valoris fuerint, auctoritate, & tenore præſentis, etiam perpetuo applicamus, & appropriamus.

Privilegium omnium que veri familiares Pontificis continentes, & Prælati domeſtici, ſedique Apoſtolicæ Noſtri habeant conceſſio.

§.4. Necnon quod de cetero pro tempore exiſtens Auditor prædictus, ſtatim a die conceſſionis ſibi de huiusmodi Auditoratus Officio, dicta auctoritate facta, ſit, & eſſe cenſeatur noſter, & pro tempore exiſten. Romani Pontificis verus, indubitatus, & non fictus familiaris, continuus Commenſalis, & Prælati domeſtici, ac dictæ Sedis Notarius, aliorumque familiarium continuorum Commenſalium, Nobis & dicto Romano Pontifici in Palatio Apoſtolicæ ſervientium, ac Prælatorum domeſticorum, & ejuſdem Sedis Notariorum numero, & conſortio favorabiliter aggregatus, ac pro vero, indubitato, & non ficto, noſtro, & pro tempore exiſtenti Romani Pontificis familiari, continuo Commenſali, & Prælati domeſtici, ſedique huiusmodi Notario haberi, & reputari debeat, habituque, & inſignijs dictorum Prælatorum, & Notariorum, per quamcumque perſonam in dignitate Eccleſiaſtica conſtitutam, quam ad hoc duxerit eligendam, ſibi, recepto prius ab eo fidelitatis, & obedientiæ ſolito juramento, exhibendis, & conferendis, omnibusque, & ſingulis ac proſus ſimilibus privilegijs, præeminentijs, indultis, immunitatibus, libertatibus, exemptionibus, facultatibus, honoribus, antelationibus, prærogativis, favoribus, indultis, conceſſionibus, & gratijs, tam ſpecialibus quam temporalibus, quibus ceteri noſtri, & pro tempore exiſtenti Romani Pontificis veri, indubitati, & non ficti familiares, continui Commenſales, ac Prælati domeſtici, dictæque Sedis Notarii, etiam de numero participantium exiſtentes, etiamſi habitum, & rochetum Notariorum Sedis huiusmodi non deferat, de jure, ſtatuto, uſu, conſuetudine, vel aliquo etiam ſpeciali privilegio, aut alias quomodolibet utuntur, potiuntur, & gaudent, ac uti, potiri, & gaudere poſſint, & poterunt quomodolibet in futurum, in iudicio, & extra, ac ubique locorum abſque aliqua proſus differentia, non ſolum ad illorum inſtar, ſed pariſormiter, & æque principaliter, in omnibus, & per omnia, perinde ac ſi eadem Auditori pro tempore exiſtenti ſpecialiter, & ex-

Jurisdictionis
cognoscendi
quascunque
causas confi-
dentiales, &c.
concessio.

& expresse per presentes concessa fuissent, sine tamen ipsorum Prælatorum domesticorum, & Notariorum de numero participantium præjudicio, uti, potiri, & gaudere libere, & licite possit, & valeat.

§.5. Ipsæque Auditor pro tempore existens, omnes, & singulas dictarum confidentialiarum symoniacam pravitatem, vel quamvis aliam illicitam pactionem inducentium, seu aliquam dependentiam vel connexitatem habentium, rerumque omnium inde resultantium causas hujusmodi in eadem Curia quomodocumque, & qualitercumque, ac etiam quascunque personas, etiam Cardinalatus honore, ac Patriarchali, Archiepiscopali, Episcopali dignitatibus fungentes, etiam per viam Inquisitionis, aut ex Officio, seu Apostolica delegatione, vel alias quomodolibet motas, & movendas, ac etiam quæ per viam appellationis a sententiis definitivis, vel interlocutoriis vim definitivæ habentibus, per quoscunque Judices ordinarios, vel delegatos, ac etiam dictæ Sedis Legatos, vel Nuncios pro tempore latis, & promulgatis, ad Sedem præfatam pro tempore interpositæ, seu reclamationis judicialis aut nullitatis, ad Sedem eamdem hætenus devolutæ sunt, vel in posterum devolventur, ita ut causæ appellationum hujusmodi per eum solum cognosci, nec alteri, nisi per commissionem in Signatura Gratiæ, vocato ipso Auditore propositam, & manu nostra signatam, committi possit, summarie, simpliciter, & de plano, sine strepitu, & figura judicii, sola veritate inspecta, etiam manu regia, ac terminis substantialibus, qui de stylo seu ordinatione Palatii Apostolice observari consueverunt, penitus omittis, ac etiam quibusvis appellationibus, nullitatibus, & aliis diffugiis prorsus semotis procedendo, una cum omnibus, & singulis earum incident. dependen. emergen. annexis, & connexis, ac etiam toto negotio principali, audien. cognoscendis, decidendis, sineque debito terminandis, etiam singulis diebus, & horis, præterquam in honorem Dei feriatibus; necnon super omnibus, & singulis confidentiis, etiam aliquam dependentiam, vel connexitatem cum symoniaca vel alia illicita pactione habentibus, seu mixtis hujusmodi, rebuque omnibus inde resultantibus, tam ad Procuratoris fiscalis denunciationem, & promotionem, quam etiam partium accusationem, seu ex mero Officio inquirendi, omnesque, & singulas hujusmodi confidentiales, & symoniacam pravitatem, vel quamvis aliam illicitam pactionem inducentium, seu aliquam dependentiam, vel connexitatem habentium, rerumque inde resultantium causam, coram quibusvis Judicibus etiam Palatii Apostolice Causarum Auditoribus, inter quascunque personas motas, & movendas, ad se, & suum tribunal avocandi; ac omnes, & singulos dictarum confidentialiarum auctores, machinatores, confcios, complices, & alios, quos opus fuerit, ac sua quomodolibet interesse

putantes, etiam per edictum publicum, si ad eos tutus non pateat accessus, citandi, & confitendo sibi quantum sufficere videbitur, de judiciis, ad personaliter, vel alias legitime comparandum, sub Excommunicationis, aliiisque Ecclesiasticis sententiis, censuris, & pœnis, ac privationis omnium, & singulorum beneficiorum, & Officiorum per eos obtentorum, ac inhabilitatis ad illa, & alia quacumque in posterum obtinenda, necnon pecuniariis, aliisque ejus arbitrio, etiam juxta demeritorum exigentiam corporis afflictivis pœnis, monendi; eisque ac quibusvis Judicibus, tam ordinariis quam commissariis, etiam quacumque auctoritate fungentibus, & functionis, sub similibus sententiis, censuris, & pœnis tam in dicta Curia quam extra eam ubilibet inhibendi, detinentes quoscunque libros, scripturas, computa, instrumenta, & alia documenta publica, vel privata dictarum confidentialiarum, causas etiam, ut præfertur, mixtas quomodolibet concernentia, ad illa exhibenda, necnon quoslibet testes ad se examini subiiciendum, ac veritatis testimonium perhibendum, etiam ex Officio, vel alias, prout sibi videbitur, per similes censuras, & pœnas cogendi, & compellendi, eosque, necnon contradicentes quoslibet, & rebelles, sententias, censuras, & pœnas, etiam privationis hujusmodi incidisse, servata forma Concilii Tridentini, declarandi, auxiliumque brachii secularis invocandi; necnon unum Locumtenentem in hujusmodi causis, cum simili, vel limitata potestate, quoties sibi videbitur, constituendi, & deputandi, eumque revocandi, ac alium ejus loco subrogandi; necnon literas seu Constitutiones Pii IV., & Pii V. Prædecessorum hujusmodi super hujusmodi confidentiis editas, ac omnes, & singulas sententias in dictis causis confidentialiarum, tam hætenus per eorum Judices, qui pro tempore fuerint, latis, quam in posterum per futurum Auditorem hujusmodi, ejusque Successores ac Locumtenentes ferendas, via executiva, nulla tela judiciaria servata, & quacumque appellatione remota, ac alias juxta literarum, seu Constitutionum præfatarum, ac etiam facultatum dictis Judicibus, per Nos, & Prædecessores nostros quomodolibet concessarum formam, continentiam, & tenorem, plenarie, & totaliter exequendi, & executioni demandandi, mandataque executiva, & alia quomodolibet necessaria, & opportuna decernendi, & relaxandi; ac generaliter omnia, & singula alia, quæ in præmissis omnibus, & singulis quomodolibet necessaria, & opportuna fuerint, faciendi, dicendi, gerendi, exercendi, mandandi, decernendi, statuendi, ordinandi, & exequendi, plenam, liberam, & omnimodam facultatem, potestatem, & auctoritatem habeat, & habere debeat.

§.6. Et quod Officium Notariatus eorumdem causarum de cetero perpetuis futuris temporibus, ad meram, & liberam pro tempore existentis Auditoris prædicti dispo-

Notarius
Officii, ad Au-
ditoratus Offi-
cium prædi-
ctum applica-
tio & concessio.

Auditoratus
Officium per-
sonam Alexan-
dri Catalani
Rom. utrius-
que Signaturæ
Referendarii,
cum prædi-
ctis jurisdic-
tionibus emo-
lumentis, &
privilegiis col-
latis.

dispositionem spectet, & pertineat; ipseque pro tempore existens Auditor Officium Notariatus hujusmodi, quod dilectus Filius Prosper Vacca ad hoc a Nobis deputatus ad præsens exercet, cum primum per cessum, vel decessum, aut privationem, vel amotionem dicti Prosperi, aut cujusvis alterius, qui illud pro tempore quomodolibet obtinebit, aut alias quovis modo vacaverit, quibusvis personis, de quibus sibi videbitur, per suas patentes literas, sigillo Officii sui Auditoratus, gratis, vel pro pretio reperibili concedere, & assignare, ac soluta sibi solita compositione resignationis de dicto Officio Notariatus pro tempore faciendæ, nec non personam, cui Officium ipsum Notariatus pro tempore concesserit, & assignaverit, ad illud, illiusque liberum exercitium, abque alia nostra, & pro tempore existentis Romani Pontificis concessione, & assignatione, recipere, & admittere, ac per eos, ad quos spectat, & pro tempore spectabit, recipi, & admitti, ac illi de solitis, & consuetis juribus, & emolumentis responderi facere, libere, & licite valeat, eisdem auctoritate, & tenore similiter perpetuo statuimus, & ordinamus.

§.6. Insuper de dilecti filii Magistri Alexandri Catalani Clerici Romani, J. U. D. ac literarum Apostolicarum majoris præfidentie Abbreviatoris, & in utraque Signatura nostra Referendarii, fide, integritate, probitate, & doctrina, Nobis præcipue in Judicis eorumdem causarum munere jam dudum exercendo, & obeundo, cognita atque perspecta, specialem in Domino fiduciam obtinentes, ipsamque Alexandram a quibusvis Excommunicationis, suspensionis, & interdicti, aliiisque Ecclesiasticis, sententiis, censuris, & pœnis, a jure vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore consentes, eidem Alexandro Officium Auditoratus generalis causarum confidentialium, vel alias, ut præfertur, mixtarum, a primava ejus electione vacans hujusmodi, per eum, quoad vixerit, ad instar aliorum Officiorum Curie, & Sedis præfatarum tenendum, regendum, & gubernandum, cum decima parte fructuum, reddituum, proventuum, jurium, obventionum, distributionum, & aliorum emolumentorum, ac pensionum indebite perceptorum, & percipiendorum hujusmodi, & aliis illi annexis, necnon omnibus, & singulis juribus, regalibus, jocalibus, sportulis, taxis, proventibus, obventionibus, honoribus, emolumentis, privilegiis, exemptionibus, immunitatibus, præminentibus, antelationibus, prærogativis, jurisdictionibus, favoribus, gratiis, indultis, ac de dicto Officio Notariatus disponendi, & illius resignationes admittendi, ceterisque facultatibus supraddictis, auctoritate, & tenore similibus, concedimus, & assignamus, ipsamque Alexandrum ad Officium Auditoratus causarum

Bull. Rom. Tom. IV. Par. IV.

confidentialium hujusmodi, illiusque liberum exercitium, necnon decimam fructuum, reddituum, proventuum, jurium, obventionum, distributionum, emolumentorum, & pensionum hujusmodi partem, ac jura, regalia, sportulas, taxas, proventus, obventiones, honores, privilegia, facultates, ceteraque omnia, & singula supraddicta, ex nunc recipimus, & admittimus, ac per eos, ad quos spectat, & pro tempore spectabit, recipi, & admitti, receptumque, & admissum in eis, quoad vixerit, manuteneri, sibi que de eisdem integre responderi debere volumus, & mandamus, &c.

§.7. Ac easdem præsentis literas nullo unquam tempore, de subreptionis, vel obreptionis vitio, aut intentionis nostræ, vel quovis alio defectu, etiam ex eo quod interesse forsitan habentes ad id vocati non fuerint, vel ex quavis alia causa quantumvis legitima, & juridica, etiam necessario exprimenda notari, impugnari, invalidari, ad terminos juris reduci, in jus, vel controversiam revocari, aut adversus illas quodcumque juris, facti, vel gratiæ remedium impetrari posse, minusque sub quibusvis illarum, aut similibus, vel dissimilibus gratiarum revocationibus, suspensionibus, limitationibus, & aliis contrariis dispositionibus comprehendi, sed semper ab illis exceptas, & quoties illa emanabunt, toties illæ in pristinum, & eum in quo antea quomodolibet erant statum restitutas, repositas, & plenarie, etiam sub quacumque data, per Alexandrum ejusque Successores præfatos eligenda, reintegratas, & de novo concessas, validasque, & efficaces fore, & esse, vimque validi, & efficaciæ contractus inter Nos, & Cameram ex una, & Alexan. ejusque Successores præfatos ex altera partibus, rite, & recte initi, & stipulati, ac etiam utrimque jurati habere, & perpetuo obtinere, distamque Cameram ad Alexan., & ejus Successores præfatos, in juribus, & aliis præfatis tuendos, & ab omni incommodo, damno, læsione, lite, causa, & controversia immunes, indemnes, & exemptos conservandos teneri, & obligatam esse, ac fore.

§.8. Sicque, & non aliter per quoscunque Judices ordinarios, vel delegatos, etiam causarum Palatii Apostolice Auditores, ac ejusdem S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere, necnon irritum, & inane, si secus super his a quoquam quavis auctoritate scienter, vel ignoranter contigerit attentari.

§.9. Quocirca venerabilibus Fratribus nostris Amerin., & Marturanen. Episcopis, ac dilecto Filio causarum Curie Camere Apostolice generali Auditori, Motu simili per Apostolica scripta mandamus, quatenus ipsi, vel duo, aut unus eorum, per se, vel alium, seu alios, præsentis literas, & in eis contenta quacumque, ubi & quando quando opus fuerit, ac quoties pro parte

Claufula præ-
servativæ.

Decretum izi-
tians.

Executorum
& defensorum
deputatio, &
facultates.

M m

dicti Alexan., & ejus in officio Auditoratus hujusmodi Successorum fuerint requisiti, solemniter publicantes, eisque in premissis efficacis defensionis presidio assistentes, faciant auctoritate nostra presentes literas, & in eis contenta hujusmodi, ab omnibus, ad quos spectat, & per tempore spectabit, inviolabiliter observari, ac Alexandrum, & Successores prefatos illis pacifice frui, & gaudere, non permittentes ipsos, seu eorum quempiam, per quoscumque quavis auctoritate fungentes desuper quomodolibet molestari, perturbari, vel inquietari, contraditores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus, sententias, censuras, & poenas ipsas, etiam iteratis vicibus aggravando: invocato etiam ad hoc, si opus fuerit, auxilio brachii secularis.

Clausa de rogatoris.

§. 10. Non obstantibus premissis, & de certo nominatorum predictorum numero, necnon quatenus opus sit, rec. mem. Symmachi, & Innocentii III., & Pauli II., & quorumcumque aliorum Romanorum Pontificum, etiam Predecessorum nostrorum, de rebus Ecclesie, seu Camera, & Sedis predictarum non alienan. aliisque Apostolicis, ac in Provincialibus, Synodalibus, & Generalibus Conciliis editis, specialibus, vel generalibus Constitutionibus, & Ordinationibus, disteque Cancellarie Regulis editis, & edendis, etiam de gratis ad instar non concedendis, ejusque, & diste Camera, ac eorum Officiorum, & Collegiorum, necnon Urbis Romae, illiusque Tribunalium, & Curiarum, etiam juramento, confirmatione Apostolica, vel quavis firmitate alia roboratis statutis, consuetudinibus, stylis, usibus, naturis, stabilitatis, & etiam novis reformationibus, privilegiis quoque, indultis, exemptionibus, immunitatibus, & literis Apostolicis, illis necnon ordinariis iudicibus, & personis supradictis, & quibusvis aliis, etiam per modum statuti perpetui, in iura, & stipulati contractus, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis, in genere, vel specie, per quoscumque Romanos Pontifices Predecessores nostros, ac Nos, & Sedem predictam, etiam Motu, scientia, & potestatis plenitudine similibus, ac alias quomodolibet, etiam iteratis vicibus concessis, approbatis, & innovatis. Quibus omnibus etiam si de illis, eorumque totis tenoribus, specialis, specifica, expressa, & individua, ac de verbo, ad verbum, non autem per clausulas generales idem importantes, mentio seu quavis alia expressio habenda; aut aliqua alia exquisita forma ad hoc servanda esset, tenores hujusmodi, ac si de verbo ad verbum, nihil penitus omisso, & forma in illis tradita observata, inserti forent, presentibus pro expressis habentes,

illis alias in suo robore permanfuris, hac vice dumtaxat specialiter, & expresse derogamus, contrariis quibuscumque: aut si aliquibus communiter vel divisim, ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, expressam, ac de verbo ad verbum, de indulto hujusmodi mentionem.

§. 11. Volumus autem quod presentium transumptis &c. Nulli ergo &c. Datum Romae apud Sanctum Petrum, Anno Incarnationis Dominice, millesimo quingentesimo octuagesimo sexto, Calendis Novembris, Pontificatus nostri Anno II.

Fides transumptorum, & sanctio personalis. D. P. An. II. 1. Novemb.

LXXII.

Montis Alti Oppidi in Provincia Marchia in Civitatem sublimatio. Eisque Collegiate Ecclesie in Cathedralam, & Episcopalem erectio.

SIXTUS EPISCOPUS SERVUS SERVORUM DEI

Ad perpetuam rei memoriam.

Super universas Orbis Ecclesias, eo disponente, qui cunctis imperat, & cui omnia obediunt, meritis licet insufficientibus constituti, levamus in circuitu agri Domini oculis nostrae mentis, more pervigilis pastoris inspecturi, quid Ecclesiarum ipsarum praesertim Cathedralium statui, & decori congruat, & quid operis circa illas, eorumque statum prosperum, & felicem impendi debeat, & divino fulti presidio, quo cuncta aequa benignitate pro populorum suorum fidelium salute disponentur, ad ea, quae statui Ecclesiarum hujusmodi congruunt, nostri Officii partes salubriter, & utiliter intendere curamus, prout in Domino conspicimus expedire.

Causa hujus erectionis.

§. 1. Sane cupientes Terram Montis Alti, Ripanae Diocesis, quae felicem nostris dedit ortum natalibus, ac in celeberrimo, & eminenti loco sita, & Muris undique, cincta est, & in qua secularis, & Collegiata Ecclesia S. Mariae ad Collem elegantem constructa, & duas dignitates, & decem Canonicatus, & totidem praebendas, ac Sacraria habens, & duae aliae Ecclesiae, una scilicet S. Gregorii, & S. Petri, & altera Oratorium nuncupata S. Nicolai, in qua Confraternitas sub invocatione Sanctissimi Sacramenti canonice instituta reperitur, necnon domus circiter trecenta nobiliter aedificata ac platea lateribus strata existunt, ac singula quaque quarta Feria cujuslibet Hebdomadae emporium, ad quod ex omnibus locis circumvicinis fit magnus concursus, celebratur, & ex qua denique viri, & in Theologia, ac jure, & Medicina aliisque scientiis excellentes prodierunt, ac secularem ac Collegiatam Ecclesiam hujusmodi dignioribus titulis, & nominibus decorare, habita super his cum fratribus nostris

Montis Alti Oppidi, in multis commendario, & separatio Montis Alti &c. a Diocesi Asculana, Firmiana, & Ripana.

stris matura deliberatione, & de illorum consilio, ad Omnipotentis Dei laudem, & gloriam, ac ejusdem Beatae Mariae honorem, ac Christifidelium devotionis augmentum, praedictam Montis Alti, & Porticulae, ac Patrignonis, necnon Montis de Noven., & Rotelle, ac Furciae dicta Ripan., necnon Montis Elpari, Communatiae, ac Montis Monachi a Firmiana, & denique Castagnoni Terras, seu loca, aut Castra, eorumque omnium Territoria ab Asculana Diocesi, quibus in spiritualibus subiecta sunt, Apost. auctoritate, tenore presentium perpetuo separamus, & dismembramus, illaque, & eorum incolae, & habitatores, Ecclesiarum Rectores, Beneficiarios, Priores, & alia inibi beneficia Ecclesiastica obtinentes, ac Monasteria, & Domos Fratrum, aliaque pia loca ab omni jurisdictione, potestate, & subiectione Venerabilium Fratrum nostrorum Ripanae, Firmanae, & Asculanae Episcoporum, nunc, & pro tempore existentium, necnon solutione decimarum eisdem Episcopis per eas debitam, ac de cetero facien. perpetuo eximimus, & liberamus.

Erectio in Civitatem, & Episcopatum.

§. 2. Necnon Terram Montis Alti in Civitatem, secularem Collegiatam Ecclesiam hujusmodi in Cathedralam sub invocatione eadem ejusdem Beatae Mariae Virginis pro uno Episcopo Montis Alti nuncupando, qui jurisdictionem Episcopalem habeat, & exerceat in spiritualibus, cum mensa Episcopali, arca, sigillo, aliisque insignibus, honoribus, & privilegiis, quibus alii Episcopi de jure vel consuetudine, aut alias quomodolibet in eisdem spiritualibus utuntur, potiuntur, & gaudent, ac uti, potiri, & gaudere quomodolibet poterunt in futurum, de simili consilio, auctoritate, & tenore premissis erigimus, & institimus. Ac Civitatem, & Cathedralam Ecclesiam, sic erectas, & institutas necnon Episcopum Montis Alti pro tempore existentem, ac ipsius Ecclesiae Montis Alti capitulum, Sedi Apostolicae immediate subicimus, & sub protectione Beatorum Petri, & Pauli Apostolorum subicimus.

Dotis pro Episcopo assignatio.

§. 3. Eidemque Ecclesiae sic in Cathedralam erectae, & institutae pro sua, seu mensae suae Episcopalis dote Monasterium Beatae Mariae de Monte Sancto Ordinis S. Benedicti dictae Asculanae Diocesis certo, quem haberi volumus pro expresso, modo vacante similiter perpetuo unimus, annectimus, & incorporamus, ac Silvam, seu Tenutam Bonettini concedimus, necnon Terras, & Territoria pro Diocesi Montis Alti, illorum vero, necnon dictae Civitatis Montis Alti Ecclesias, personas pro Clero, & habitatores pro populo, etiam perpetuo assignamus, ac eos quoad superioritatem, jurisdictionem, & jura Episcopalia Montis Alti subesse, & tamquam membra capiti obsequentes de juribus Episcopalibus respondere volumus.

Decretum irritans.

§. 4. Decernentes ex nunc irritum, & inane, si secus fuerit super his a quoquam quavis auctoritate scienter, vel ignoranter contigerit attentari.

Bull. Rom. Tom. IV. Par. IV.

§. 5. Non obstantibus nostris de unionibus committendis ad partes, vocatis quorum interest, ac exprimendo vero valore, & de non tollendo jure quaesito, ac Lateranen. Concilii novissime celebrati uniones perpetuas, nisi in casibus a jure permisis fieri prohibentis, ac aliis Constitutionibus, & Ordinationibus Apostolicis, necnon Ripan. Firman., & Asculan. Ecclesiarum, iuramento, & confirmatione Apostolica, vel quavis firmitate alia roboratis statutis, & consuetudinibus: privilegiis quoque, indultis, & literis Apostolicis, illarumque Praesulibus, Capitulis, & personis, sub quibuscumque tenoribus, & formis, ac cum quibusvis clausulis, & decretis, etiam Motu proprio, & consistorialiter, ac alias quomodolibet in contrarium concessis, approbatis, & innovatis, quibus omnibus, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes, mentio seu quavis alia expressio habenda foret, illarum tenores presentibus pro expressis habentes, illis alias in suo robore permanfuris, hac vice dumtaxat specialiter, & expresse derogamus, ceterisque contrariis quibuscumque.

Clausa derogatoria, & sanctio panalis.

Nulli ergo, &c. Datum Romae apud Sanctum Petrum, Anno Incarnationis Dominicae, millesimo quingentesimo octuagesimo sexto, octavo Kalendas Decembris, Pontificatus nostri Anno II.

D. P. An. II. 24. Novemb.

LXXIII.

Erectio Custodiae S. Gregorii Ordinis Fratrum Minorum de Observantia Discalceatorum nuncupatorum in Insulis Philippinis, in Provinciam.

Ex Regest. in Secret. Brevis.

SIXTUS PAPA QUINTUS

Ad perpetuam rei memoriam.

Um ad Uberes fructus, quos Religiose persone, praesertim vero Fratres Minores de observantia Discalceati nuncupati Custodiae S. Gregorii in Insulis Philippinis Indiarum Occidentalium quasi in agro dominico seduli operarii ad Dei gloriam, & spirituales salutem Populorum, in remotissimis Terris degentium, & magno a Nobis locorum intervallo disjunctorum assidue sua industria Deo juvante colligunt, convertimus oculos nostrae mentis, dignum, quin potius debitum reputamus, ut ad eorum commodum, & propagationem Apostolice favoris gratiam benignae impartiamur, eosque amplioribus privilegiis decoremus praesertim cum id a Nobis piis Catholicorum Regum votis postuletur.

Procurium.

§. 1. Sane Charissimus in Christo filius noster Philippus Hispaniarum Rex Catholicus tam suo, quam dilectorum filiorum Custodis, & aliorum Fratrum Custodiae S. Gregorii in Insulis praedictis nominibus Nobis exposuit, quod alias Fratres Provinciae Sancti Iosephi ejusdem Ordinis in Regnis

Quibus rationibus Custodiam Sancti Gregorii in Provincia erigi petatur.

M m 2 gnis

gnis Hispaniarum instituta, a qua Custodia Sancti Gregorii praedicta dependebat, in Capitulo nuper celebrato in Oppido de Cadahalso Toletan. Dioecesis provide considerantes se non posse hujusmodi Custodiam sine notabili sua diminutione sustinere propter continuas Fratrum Missiones, quas fere annuatim facere cogebantur, nec Religionem in illis partibus propagari, aut novas domus, seu Conventus fundari, & institui posse, nisi Custodia praedicta in Provincia erigeretur, decreverunt, Nobis humiliter supplicare, quatenus Custodiam praedictam Provinciae nomine decorare, aliasque in praemissis opportune providere de benignitate Apostolica dignemur.

Erectio, de qua in rubr.

§.2. Nos igitur, qui etiam ex dilecti filii Francisci Gonzage Ministri Generalis totius Ordinis de observantia insinuatione accepimus, propter hujusmodi cretionem nulli praedictum inferri, ac Custodia praedicta, Patres sub debita regulari observantia magno cum fructu gratum Domino famulatum praestare, eos condignis favoribus exornare volentes, necnon Ministrum, & Fratres praedictos, & eorum quemlibet a quibusvis Excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes, hujusmodi supplicationibus inclinari Custodiam S. Gregorii praedictam in Provinciam Discalceatorum S. Gregorii in insulis Philippinis de cetero nuncupari, ita quod deinceps per unum Ministrum Provinciale ab ipsis Provincialibus ad instar aliarum Provinciarum, ejusdem Ordinis eligendum sub obedientia tamen Ministri Generalis totius Ordinis Fratrum de observantia praedictorum, ac Commissarii Generalis Indiarum in Curia Regis praedicti pro tempore residentis, atque eorum Commissariorum ad praedictam Provinciam specialiter deputatorum, seu deputandorum, prout sunt, & alia earumdem partium Provinciae, regi, & gubernari debeat, auctoritate Apostolica, tenore praesentium, erigimus, & instituimus.

Neo-Erecta Provinciae ceterarum Provincialium Privilegia communicantur.

§.3. Dictaque sic erectae Provinciae, illiusque pro tempore existenti Provinciali Ministro, & singulis Fratribus, ut omnibus, & quibuscumque privilegiis, & facultatibus, favoribus, gratiis, & Indulgentiis, etiam spiritualibus, quibus ceterae dicti Ordinis Provinciae hactenus ubilibet instituta, & existentes, earumque Ministri Provinciales, & singuli Fratres tam de jure, quam consuetudine, aut alias quomodolibet utuntur, potiuntur, & gaudent, uti, potiri, & gaudere libere, & licite valeant, auctoritate, & tenore praefatis concedimus, & elargimur.

Provinciali data facultas novas erigendi domos in

§.4. Decernentes custodiam praedictam in Provinciam sic erectam pro tali haberi, & ut praefertur, regi, & gubernari de-

inceps debere, necnon pro tempore existenti dictae Provinciae Sancti Gregorii Ministro Provinciali, ut tam in ipsis Insulis Philippinis, quam in aliis quibusvis Terris, & locis Indiarum praedictarum ac Regnorum della China nuncupatorum, in quibus conversio Gentilium ad Fidem Catholicam commode curari, & tractari poterit, novas Domos, & Conventus pro Fratribus dicti Ordinis recipiendis ad Dei laudem, & gloriam, nostra aut Romani Pontificis, vel Ordinariorum locorum, aut cujusvis alterius licentia minime requisita fundare, & instituere, eosque ad inhabitandum recipere, & Fratres in illis introducere libere, & licite valeat, facultatem, auctoritate, & tenore similibus impartitur. Ita tamen, ut Minister Provincialis Provinciae noviter erectae hujusmodi a fundatione, & institutione novarum Domorum, & Conventuum in Malachan, & de Sian, ac de Chochin Chinae Regnis, five Provinciis, & eorum dominiis, necnon in Terris illis, & locis ad quae dudum dictus Franciscus Generalis Minister quosdam alios Fratres, etiam Minores de observantia Provinciae Portugalliae, seu Custodiae Sancti Thomae in Indiis Orientalibus instituta pro erigenda alia Custodia in posterioribus Regnis, seu Provinciis, ac eorum dominiis praedictis cum suis Patentibus literis destinavit, cujus commissio, & auctoritas salva sit, & effectus, omnino ablineat, nec in Dominibus, aut Conventibus in Civitate Malachan, aut locis praedictis jam fundatis, & institutis, vel cum Fratribus, & personis in illis degentibus se ullatenus intromittat, aliamve in eas, & eos jurisdictionem, aut superioritatem exercere praesumat.

Indis, nonnullis exceptis.

Ecclesias Provinciae hujus visitantibus propositae Indulgentiae.

Praefertur literarum firmitas.

§.6. Praeterea universis, & singulis utriusque sexus Christianis vere poenitentibus, & confessis, ac Sanctissimo Eucharistiae Sacramento refectis, qui aliquam ex Ecclesiis Provinciae praedictae erectis, seu erigendis in duabus anni Festivitatibus per Provinciale pro tempore specificandis a primis vespere usque ad occasum Solis, eorumdem Festivitatibus singulis annis perpetuis futuris temporibus devote visitaverint, & ibi pro Christianorum Principum concordia, gentilium conversione, Haeresum extirpatione Sanctaeque Matris Ecclesiae exaltatione pias ad Deum preces effuderint, quoties id fecerint, plenariam omnium, & singulorum peccatorum suorum Indulgentiam, & remissionem misericorditer in Domino concedimus, & elargimur.

§.7. Necnon praesentes literas nullo unquam tempore de subreptionis, vel obreptionis vitio, aut intentionis nostrae, vel quopiam alio defectu, etiam ex eo, quod alias Provincia illiusque Fratres vocati non fuerint, aut erectio hujusmodi extra Generale Capitulum ipsius Ordinis, facta fuerit, notari, impugnari, vel alias invalidari nullatenus posse, sicque per quoscumque Judices, & Commissarios, etiam S. R. E. Cardinales, ac Causarum Palatii Apostolici Auditores, sublata eis, & eorum cuilibet quavis

quavis aliter judicandi, & interpretandi facultate, & auctoritate, judicari debere, irritum quoque, & inane si secus super his a quoquam quavis auctoritate scienter, vel ignoranter contigerit attentari.

Derogatio contrariorum

§.8. Non obstantibus fel. rec. Gregorii Papae X. in Generali Concilio Lugdunen. edita, qua expresse cavetur, ne cujusvis Ordinis Mendicantes Domos ad inhabitandum de novo recipere valeant absque Sedis Apostolicae licentia speciali, ac aliis diversorum Romanorum Pontificum nostrorum Praedecessorum, quod Regulam dicti, & cujusvis Ordinis in partibus hujusmodi transmarinis, praesertim Indiarum pro tempore degentes sub obedientia Ministrorum Provincialium Provinciarum ceterorum omnino subserint, ac reliquis Apostolicis, necnon in aliis etiam Generalibus, seu Provincialibus, & Synodalibus Conciliis editis specialibus, vel Generalibus Constitutionibus, & Ordinationibus, ac etiam Juramento, confirmatione Apostolica, vel quavis firmitate alia roboratis statutis, & consuetudinibus, Privilegiis quoque, Indultis, & literis Apostolicis eidem Ordini, illiusque Provinciae antiquitus erectis, necnon Superioribus, & personis sub quibuscumque tenoribus, & formis, & cum quibusvis etiam derogatoriis, derogatoriis, aliisque efficacioribus, & insolitis clausulis, irritantibusque, & aliis decretis etiam Motu proprio, & ex certa scientia, ac de Apostolica potestate plenitudine, necnon consistorialiter, & de Fratrum nostrorum consilio quomodolibet in genere, vel specie concessis, confirmatis, approbatis, & innovatis, etiam de non erigendo Custodiam in Provinciam, nisi certum, & determinatum Domorum five Conventuum numerum contineat. Quibus omnibus, etiam si de illis, eorumque totis tenoribus specialis, specifica, & expressa mentio habenda, seu quavis alia expressio, aut exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & forma in illis tradita observata inserti forent praesentibus, pro expressis habentes, illis alias in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Dat. die 15. Novembris 1586. An. II.

Datum Romae apud Sanctum Petrum, sub Annulo Piscatoris, die 15. Novembris 1586. Pontificatus nostri Anno II.

LXXIV.

S. Severini Oppidi in Provincia Piceni in Civitatem sublimatio, ejusque Collegiate Ecclesiae in Cathedrali, & Episcopali erectio.

SIXTUS EPISCOPUS
SERVUS SERVORUM DEI

Ad perpetuam rei memoriam.

Causa hujus erectionis.

Superna dispositione, cujus inscrutabili providentia incrementum suscipiunt

universa, pro Sedis Apostolicae excellenti praeminentia, dignum arbitramur in irriquo militantis Ecclesiae agro novas Episcopales Sedes, & Ecclesias plantare, ut per hujusmodi novam plantationem, singulorum Christianissimorum augeatur devotio, divinus cultus effloreat, & animarum salus subsequatur, humiliaque loca dignioribus, & eminentioribus titulis, ac condignis favoribus illustretur, ut propagatione novae Sedis, honoratque Praefulis assistentia, & regimine, cum Apostolica potestatis amplitudine, ac orthodoxae fidei profectu, & exaltatione, ipsi Christiani aeternae felicitatis praemium, nostri Redemptoris inestimabili caritate media valeant adipisci.

Oppidi Sancti Severini commendatio.

§.1. Sane cum Oppidum S. Severini in Agro Piceno Camerinen. Dioec. inter cetera partium illarum Oppida satis insigne, ac percelebre, necnon benedictente Domino habitatorum, ac incolarum multitudine refertum existat, ac dilecti filii illius Universitatis, & homines, pro eorum, ac Oppidi hujusmodi, necnon ejus Cleri singulorumque habitatorum, & incolarum praedictorum decore, & amplitudine, ac divini cultus incremento, & animarum salute, Oppidum ipsum Civitatis nomine, & Cathedralis Ecclesiae honore decorari summopere desiderant, iidemque Universitatis, & homines, pro secularis, & Collegiate Ecclesiae dicti Oppidi, in qua una dignitas, quae inibi Principalis dignitas existit, Prioratus nuncupata, ac sex Canonatus, & totidem praebendae fore noscuntur, si in Cathedrali Ecclesia erigerentur, mensis Episcopalis dote, redditum annuum, seu censum mille scutorum monetae illarum partium, decem julis pro quolibet scuto hujusmodi computatis, super Molendinis ejusdem Oppidi, ad ipsos Universitatem, & homines legitime spectantibus, assignare parati sint.

Separatio dicti Oppidi a Dioecesi Camerinae.

§.2. Nos pium, & salutare Universitatis, & hominum propositum, & desiderium hujusmodi volentes amplecti, illique favere, ac cultum divinum augere, & spirituali animarum profectui hujusmodi, quem exinde speramus provenire, salubriter promovere intendentes, ipsosque Universitatem, & homines, ac eorum singulos a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine, quavis occasione, vel causa latis, si quibus quomodolibet innodati existant, ad effectum praesentium dumtaxat consequendum, harum serie absolventes, & absolutos fore censentes, matura super his cum fratribus nostris deliberatione praehabita, necnon Universitate, & hominibus praefatis, Nobis super hoc humiliter supplicantibus, de eorumdem fratrum consilio, & Apostolica potestatis plenitudine, ad Omnipotentis Dei laudem, & gloriam, ac Gloriosissimae ejus Genitricis Virginis Mariae, totiusque Curiae coelestis honorem, ac Fidei Catholicae exaltationem, & habita-

tatorum, ac incolarum praedictorum animarum salutem, Oppidum praefatum cum illius Comitatu, & Territorio, necnon omnibus, & singulis Castris, Villis, locis, terminis, districtibus, ac Clero, personis, Ecclesiis, Monasteriis, Prioratibus, praepositis, praepositibus, & aliis piis locis, ac beneficiis ecclesiasticis, cum cura, & sine cura, facultatibus, & Ordinum quorumcumque regularibus, à Dioecesi Camerinen. praedicta Apostolica auctoritate perpetuo separamus, & dismembramus, ac ab omni jurisdictione, superioritate, correctione, visitatione, dominio, & potestate venerabilis fratris nostri moderni, & pro tempore existentis Camerinen. Episcopi, ac dilectorum filiorum Capituli Ecclesiae Camerinen. eorumque Vicariorum, & Officialium, ac quorumcumque aliorum; necnon a solutione quorumvis jurium, Episcopo, & Capitulo hujusmodi per Oppidi, ac singulorum Castrorum, Villarum, locorum hujusmodi habitatores, & incolas, ac Clerum, personas, Ecclesias, Monasteria, & alia beneficia hujusmodi, ratione jurisdictionis, & superioritatis praedictarum respective debitorum, dicta auctoritate, ac de simili consilio, etiam perpetuo penitus eximimus, & totaliter liberamus.

Oppidi Sancti Severini in Civitatem sublimatam, eoque Collegiate Ecclesiae in Episcopalem erectio.

§.3. Necnon Oppidum S. Severini praefatum in Civitatem S. Severini nuncupandam, ac in ea Cathedralium Ecclesiam pro uno Episcopo S. Severini, etiam nuncupando, qui ipsi Ecclesiae S. Severini praesideat, ac in illa, & Civitate praedicta, ipsique Ecclesiae S. Severini assignanda Dioec. omnia, & singula, quae ordinis, & jurisdictionis, ac cujuscumque alterius muneris Episcopalis sunt, exerceat, cum Sede, & mensa, aliisque insigniis, ac jurisdictionibus Episcopalibus, necnon privilegiis, immunitatibus, & gratiis, quibus aliae Cathedrales Ecclesiae, & earum Praefules de jure, vel consuetudine, aut alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum, de pari consilio, eadem auctoritate similiter perpetuo erigimus, & instituimus.

Dioecesis assignatio.

§.4. Ac Oppidum Civitatis, & Ecclesiam Cathedralis, necnon Comitatum Sancti Severini hujusmodi, ac illius Territorium universam Dioec. incolas vero, & habitatores praefatos, civium nomine, & honore decoramus; eidemque sic erectae Ecclesiae S. Severini Oppidum praefatum, ut praefertur, in Civitatem erectum, pro Civitate, & universum Comitatum, ac illius Territorium hujusmodi, cum omnibus illius Castris, Villis, locis, & districtibus per eosdem Universitates, & homines specificandis, & statuendis, pro Dioec. ipsarum Civitatis, & Dioecesis S. Severini, & habitatores pro Clero, & populo concedimus, & assignamus.

Dote seu annui redditus scutorum mille pro Episcopo assignatio.

§.5. Necnon dictae Ecclesiae S. Severini mensae Episcopali, pro illius dote reddituum annuum, seu censum mille scutorum hujusmodi, per ipsos Universitatem, & ho-

mines, ut praefertur, assignandum, ex nunc prout ex tunc, & e contra, postquam assignatus fuerit, pariter perpetuo applicamus, & appropriamus, ac S. Severini, aliaque ejusdem Comitatus, Oppidi, & Comitatum ipsum, singulaque illius Castra, Villas, loca, Territorium, Clerum, & populum hujusmodi eidem Episcopo Sancti Severini, qui pro tempore fuerit, quoad omnem ordinariam jurisdictionem, & superioritatem perpetuo subicimus.

Privilegiorum concessio.

§.6. Et insuper Capitulo, Clero, Civitati, & Dioecesi S. Severini hujusmodi, ipsarumque Civitatis, & Dioec. incolis, & habitatoribus, ac eorum singulis, ut omnibus, & etiam singulis privilegiis, exemptionibus, libertatibus, immunitatibus, gratiis, favoribus, & indultis, quibus aliarum Ecclesiarum Cathedralium Capitula, aliaque Civitates, & Dioec., ac eorum Clerus, incola, & habitatores utuntur, & potiuntur, & gaudent, ac uti, potiri, & gaudere quomodolibet poterunt in futurum, uti, potiri, & gaudere libere, & licite valeant, auctoritate praedicta indulgemus.

Clausula derogatorie.

§.7. Non obstantibus Constitutionibus, & Ordinationibus Apostolicis ceterisque contrariis quibuscumque.

D. P. An. II. 26. Novemb.

Nulli ego &c.
Datum Romae apud S. Petrum, Anno Incarnationis Dominicae, millesimo quingentesimo octuagesimo sexto, 6. Kal. Decembris Pont. nostri Anno II.

LXXV.

Divisio Burgi a regione Pontis, & Transyberim, & erectio illius in Regionem Castellii S. Angeli nuncupat. &c.

Ex Re gest. in Secret. Brev.

SIXTUS PAPA QUINTUS

Ad perpetuam rei memoriam

§.1. **U**T primum potestas data est augenda, atque amplianda, dignitatis Burgi Urbis nostrae, in quo Beatus Petrus Apostolorum Princeps sibi, & successoribus suis Romanis Pontificibus hanc Sanctam Apostolicam Sedem cui summa Dei beniguitate praesumus, collocavit, nihil profecto praetermissimus in eo ornando, atque honestando, quod vel ad honorificandum gloriosissimum Domini Nostri Jesu Christi nomen, aut ad excolendam in cordibus nostris durissimae Passionis suae memoriam spectaret. Id autem ex eo potissimum cognosci potest, quod nuper Sacratissimam ejus Crucem non sine ingentibus nostris, & Camera Apostolicae sumptibus, tametsi maxima cum spirituali non solum nostra, & Romanorum Civium consolatione, sed etiam cum incredibili universi fere Christiani Populi gaudio in Emporio, olim superstationem Ethnicarum sordibus contaminato, nunc caelestium benedictionum, & Indulgentiarum muneribus refertissimo obelisco, ad Dei Omnipotentis gloriam, & hujus nostrae Urbis insigne ornamentum extolli curavimus.

Sixtus Animum suum ad exornandum Burgi S. Petri paratum ostendit.

§. 2. Qua-

Et de causa illius a ceteris Burgis separandum dicit.

§.2. Quare Nos in praesentiarum contentaneum, ac decens arbitantes ipsum Burgum, quod nedom ipsius Urbis compendium, verum etiam nova propemodum Civitas dici potest, tum propter augustissimam ejusdem Beati Petri Basilicam, tum propter eximia, & praecleara, quae inibi existunt, aedificia, quoque nova in dies extruuntur, tum propter munificentissimam nostram Sancti Angeli Arcem, in qua ararium publicum ingenti pecunia a Nobis autem conditur, & aservatur, ab aliis tresdecim ejusdem Urbis Regionibus distingui, & seungi, & in peculiarem, & propriam Regionem erigi, atque ascisci.

Et in Regionem decimam quartam erigit dato proprio stamma.

§.3. Motu proprio, & de Apostolicae potestatis plenitudine Burgum ipsum cum praedicta S. Angeli Arce, a Regione Pontis ex uno, ex altero vero lateribus a Regione Transyberim, quibus prius suberat Apostolica auctoritate tenore praesentium perpetuo sejungimus, dividimus, & separamus, itaut Pontis regio intra Cancellos ipsius Pontis, Transyberim autem regio usque ad portam Sancti Spiritus vulgo Portones nuncupatam exclusivo terminetur, & concludatur, illudque sic divisum, sejungentem, & separatam in decimam quartam Regionem, sicut antiquitus ipsa Urbs, quod in confesso est ex decima quarta Regione constabat cum vexillo, cui pro suo stemmate, & insigni Leo anteriori pede dextero stellam super tribus montibus sustinens uti vigilantissimus Sacri Thesauri custos, reliqua vero posteriore corporis parte aeneae capite innixus juxta exemplar, quod praesentibus insertum demonstratur, cohereat, erigimus, creamus, & instituimus, ac titulo, & nomine Regionis Castellii Sancti Angeli perpetuo insignimus, & decoramus.

Aliarum Regionum Privilegia ei concedit.

§.4. Necnon eidem Regioni Castellii sic erectae, creatae, & institutae hujusmodi, ac illius pro tempore existentis Praefecto, qui caput Regionis Castellii nuncupabitur, ut omnibus, & singulis privilegiis, facultatibus, immunitatibus, gratiis, favoribus, praerogativis, & honoribus, quibus aliae tresdecim Regiones hujusmodi gaudent, fruuntur, & potiuntur, ac gaudere, frui, potiri, & gaudere poterunt quomodolibet in futurum, pariformiter, & aequo principaliter uti, frui, & potiri, ac gaudere libere, & licite valeant, auctoritate, & tenore praerogativis de speciali gratia indulgemus.

Secus attendenda irritat.

§.5. Decernentes ex nunc irritum, & inane, si secus super his a quoquam quavis auctoritate scienter, vel ignoranter contigerit attentari.

Camera Ap. & Populi Romani Officialibus data commissio praedicta exequendi.

§.6. Ac insuper mandantes in virtute sanctae obedientiae, ac sub nostro, & successorum nostrorum arbitrio imponendis poenis dilectis filiis tam modernis, quam pro tempore existent. Camera Apostolicae Camerario, Vice-Camerario, Thesaurario generali, Clericis, & aliis ejusdem Camerae officialibus, necnon praedictae Urbis Nostrae Conservatoribus, Priori, & aliis ejusdem Populi Romani Ministris, ut dicto

Praefecto, seu capiti Regionis Castellii, aut pro eo praedicti Populi Romani Camerario de omnibus, & singulis salariis, provisionibus, Regaliis, aliisque emolumentis quocumque nomine nuncupatis, solitis tamen, & consuetis respondeant, & responderi faciant, eisdem modo, & forma, ac in omnibus, & per omnia, prout aliis capitibus Regionum praedictarum, seu pro eis ejusdem Populi Romani Camerario per supra praedictos officiales, & Ministros de eis responderi usque ad praesentem diem solitum, & consuetum fuit.

Obstantium derogatio.

§.7. Non obstantibus nostra de non tollendo Jure quaesito, ac quibusvis aliis Constitutionibus, & Ordinationibus Apostolicis, ac dictae Urbis Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, eidem Urbi, ac illius Senatori, Conservatoribus, ac quibusvis aliis Officialibus, & personis sub quibuscumque formis, & tenoribus, ac cum quibusvis clausulis, & Decretis in genere, vel in specie, ac alias in contrarium per quoscumque Romanos Pontifices Praedecessores nostros, Sedemque Apostolicam concessis, confirmatis, & innovatis. Quibus omnibus eorum tenores praesentibus pro expressis habentes, illis alias in suo robore permanens, hac vice dumtaxat specialiter, & expresse derogamus, ceterisque contrariis quibuscumque.

Dat. die 1. Decem. 1586. An. II.

Datum Romae apud S. Petrum sub annulo Piscatoris die 1. Decem. 1586. Pontificatus nostri Anno II.

LXXVI.

De S. R. E. Cardinalium creatorum praesentia, numero, ordine, aetate, & qualitatibus, & de optione sex Cathedralium Ecclesiarum, quae Cardinalibus conferuntur.

SIXTUS EPISCOPUS SERVUS SERVORUM DEI

Ad perpetuam rei memoriam.

Postquam verus ille atque aeternus Pastor, & Episcopus animarum, Christus Dominus ad gubernandam universalem Ecclesiam, quam suo pretioso Sanguine acquisivit, Apostolorum Principi B. Petro ecclesiae simul ac terrae tradidit plenitudinem potestatis, eique suas in terris vices commisit, sicut in cathedra ipsius Petri successor, & verus Christi Vicarius Romanus Pontifex divina praedestinatione, ejusdem supremae Apostolicae dignitatis fastigium, & locum in terris tenet, ita etiam Sacrosanctae Romanae Ecclesiae Cardinales representantes personas Sanctorum Apostolorum, dum Christo Salvatore regnum Dei praedicanti, atque humane salutis mysterium operanti ministrarent, eidem Pontifici in executione Sacerdotalis officii, & in dirigenda ipsa Ecclesia Catholica, cui pra-

Pontifex est verus Christi Vicarius, & Cardinales Apostolorum personas repraesentant, & sunt Pontificis Consilarii, & Coadjutores. Et pro exaltationem Catholicae Religionis sanguinem, & spiritum effundere debent.